

NAROD I PRAVDA

Elvedin Okerić

Zastupnik u Skupštini Kantona Sarajevo

VLADA KANTONA SARAJEVO

**Predmet: Amandmani na Prijedlog Zakona o izmjenama i dopunama Zakona o ublažavanju negativnih ekonomskih posljedica i uštedama u Kantonu Sarajevo**

U skladu sa čl. 151. i 152. Poslovnika Skupštine Kantona Sarajevo ("Službene novine Kantona Sarajevo", broj: 41/12-Novi prečišćeni tekst, 15/13, 47/13, 47/15, 48/16, 9/20 i 14/20), dostavljam amandmane na Prijedlog Zakona o izmjenama i dopunama Zakona o ublažavanju negativnih ekonomskih posljedica i uštedama u Kantonu Sarajevo i to:

**AMANDMAN I**

(Dopuna člana 1.)

U Zakonu o oblažavanju negativnih ekonomskih posljedica i uštedama u Kantonu Sarajevo ("Službene novine Kantona Sarajevo" br. 18/20 i 46/20), u članu 1. iza riječi "pomoći privrednim subjektima", dodaju se riječi i "građanima", a iza riječi "naknade za općekorisne funkcije šuma", dodaju se riječi "oslobađanje od plaćanja dijela uplate školarine".

**AMANDMAN II**

(Član 9a.)

(Oslobađanje od plaćanja dijela školarine u 2020/2021. godini)

(1) Studente prvog i drugog ciklusa studija, kao i studente integrisanog studija koji finansiraju svoj studij, a imaju ostvaren prosjek ocjena najmanje 8,00 i položili su sve ispite iz prethodne godine i ne obnavljaju studij u 2020/2021. godini, Kanton Sarajevo u skladu sa ovim zakonom, oslobađa plaćanja dvije trećine školarine za 2020/2021. godine.

(2) Studenti iz stava (1) ovog člana, dužni su preostalu ratu školarine uplatiti do završetka akademske 2020/2021. godine.

## OBRAZLOŽENJE

Polazeći od činjenice da je Kanton Sarajevo iskazao strateško opredjeljenje da podrži i stimuliše ostanak mladih u BiH, a posebno visokoobrazovanih i perspektivnih kadrova koji predstavljaju garanciju izgradnje prosperitetne države BiH, predložena izmjena Zakona o visokom obrazovanju bi doprinijela ostvarenju tog proklamiranog opredjeljenja. Istovremeno predložena zakonska izmjena je u funkciji podizanja kvaliteta obrazovanja jer se na ovakav način stimuliše i nagrađuje rad i zalaganje tokom studija.

Vlada Kantona Sarajevo je podržala Inicijativu da samofinansirajuće studente koji su bili vrijedni i položili sve ispite iz prethodne godine sa prosjekom 8,0 i više prebaci na budžetsko finansiranje. Navedeni studenti na nekim fakultetima morali su uplatiti čitav iznos školarine, dok su ostali fakulteti postupili u skladu sa Zaključkom Skupštine i omogućili uplatu samo prve rate studentima do iznalaženja načina implementacije ove odluke Vlade KS.

Vlada KS je prihvatila umanjeње svojih prihoda od UNSA za dvije trećine školarine za 2020/2021. godinu., te studentima koji su uplatili čitav iznos, Vlada će iznaći način povrata sredstava.

22.03.2021.godine

Zastupnik u Skupštini KS

Elvedin Okerić